



Na osnovu člana 22 Statuta Brčko distrikta Bosne i Hercegovine – prečišćeni tekst (Službeni glasnik Brčko distrikta BiH, broj 2/10) i člana 64 Poslovnika o radu Skupštine Brčko distrikta BiH – prečišćeni tekst (Službeni glasnik Brčko distrikta BiH, broj: 54/18), razmatrajući Nacrt zakona o platama i naknadama u organima javne uprave i institucijama Brčko distrikta BiH, Skupština Brčko distrikta BiH na 12. vanrednoj sjednici održanoj 28. 1. 2019. godine, donosi

ZAKLJUČAK

1. Skupština Brčko distrikta Bosne i Hercegovine (u daljnjem tekstu: Skupština) zadužuje Vladu Brčko distrikta Bosne i Hercegovine (u daljnjem tekstu: Vlada) da donese akt u vezi s primjenom odredbi Zakona o državnoj službi u organima javne uprave i drugih relevantnih zakona, u postupcima kojima se ukidaju pojedina radna mjesta, nakon čega se zaposlenici trajno premještaju odnosno trajno raspoređuju na radna mjesta veće kategorije i platnog razreda.
2. Obavezuje se Vlada da zaduženje iz tačke 1 ovog Zaključka provede na način da obaveže rukovodioce organa javne uprave i institucija Distrikta, da posebno obrazlože potrebu i razlog ukidanja radnog mjesta, kao i postojanje opravdanih razloga za trajni premještaj odnosno trajno raspoređivanje, te prijedlog s obrazloženjem o opravdanosti i budžetskim implikacijama, dostave Vladi na davanje saglasnosti.
3. Obavezuje se Vlada da svaki takav prijedlog detaljno razmotri, te ukoliko nakon razmatranja utvrdi da postoji opravdana potreba, da saglasnost.
4. Obavezuju se rukovodioci organa javne uprave i institucija Distrikta da organizacione planove, odnosno izmjene i dopune istih, mogu uputiti u redovnu proceduru pribavljanja mišljenja i donošenja istih, tek po dobijanju saglasnosti od strane Vlade, na način određen tačkama 1, 2 i 3 ovog Zaključka.
5. Obavezuju se rukovodioci organa javne uprave i institucija Distrikta da promjene u zahtjevima za plate u prijedlozima budžeta, a odnose se na gore pomenute trajne premještaje odnosno trajna raspoređivanja, mogu vršiti samo na osnovu prethodno pribavljene saglasnosti Vlade iz tački 3 i 4 ovog Zaključka, te provedenog postupka izmjene odnosno dopune organizacionog plana.
6. Obavezuju se Pravosudna komisija Brčko distrikta BiH, Kancelarija za reviziju javne uprave i institucija u Brčko distriktu BiH i Skupština Brčko distrikta BiH, da promjene u zahtjevima za plate u prijedlozima budžeta, a koje se odnose na trajne premještaje odnosno trajna raspoređivanja u veće kategorije radnih mjesta s većim platnim razredima, mogu vršiti samo na osnovu prethodno pribavljenog mišljenja Komisije za budžet Skupštine Brčko distrikta BiH.
7. Zadužuje se Komisija za budžet Skupštine Brčko distrikta BiH da uz stručnu podršku Odjela za stručne i administrativne poslove Vlade Brčko distrikta BiH, Pododjeljenja za ljudske resurse i Direkcije za finansije izvrši analizu svih predloženih zakona na način da je za istu kategoriju radnog mjesta određen isti platni razred u svim predloženim zakonima (poštivanje principa „ista plata za isti ili sličan posao“), te jednakog utvrđivanja

prava dodatka na platu, naknade plate, jednokratnih novčanih pomoći i drugih prava koja proizilaze iz predloženih zakona.

8. Komisija za budžet Skupštine Distrikta je dužna podnijeti izvještaj o izvršenoj analizi Skupštini u roku od 20 dana od dana usvajanja ovog Zaključka, navesti sva utvrđena neopravdana odstupanja i predložiti izmjene relevantnih odredbi predloženih zakona u vidu amandmana.
9. Ovaj zaključak stupa na snagu danom donošenja i objavit će se u Službenom glasniku Brčko distrikta BiH.

Broj: 01-02- 520/19

Brčko, 28. 1. 2019. godine

PREDSJEDNIK
SKUPŠTINE BRČKO DISTRIKTA BiH
Esed Kadrić

Dostavljeno:

- 1) Predsjedniku
- 2) Dopredsjedniku
- 3) Gradonačelniku
- 4) Komisiji za budžet Skupštine
- 5) Pravosudnoj komisiji Brčko distrikta BiH
- 6) Policiji Brčko distrikta BiH
- 7) Kancelariji za reviziju javne uprave i institucija u Brčko distriktu BiH
- 8) Odjeljenju za stručne i administrativne poslove – Pododjeljenju za ljudske resurse
- 9) Direkciji za finansije
- 10) Stručnoj službi Skupštine
- 11) Sektoru za opšte poslove i strateško planiranje
- 12) Arhivi